



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VI. Karolus magnus præcepit quiinque Concilia in diversis locis celebrari.  
Quæ fuerint in eis Episcoporum partes, quæ Abbatum, ac Comitum.  
Canones suos à Principe emendari aut confirmari postulant ...

**urn:nbn:de:hbz:466:1-15617**

## & Imperij Lib. VI. Cap. XXV. 263

ventu generali in Gentiliaco villa, synodus habuisse de quaestione Trinitatis & de cultu imaginum, id est, eum discussione Episcoporum qui in conventu generali aderant commissoe quaestionem de rebus spiritualibus. Eadem distinctio adhibenda est verbis Caroli magni ex Capitulari anni D C C L X X I X . dum jubet ut constitutiones patris sui Pip- pini observerentur, sive illæ quæ in placitis factæ sunt, sive in synodis, id est, de causis civilibus & ecclesiasticis: Capitula vero que bona memoria genitor noster in suis placitis constituit & in synodis, conservari volumus. Nam licet annualium scriptores & Pippinus vocem Synodus usurpaverint pro conventu generali, attamen utriusque distinctio introducta est postquam canonum auctoritas manifestius invaluit. Verum quia canones de disciplina lati ad rem publicam spectabant, materia hæc ab Episcopis simul cum laicis tractabatur; nec aliud Episcopis solis permittebatur quam quaestiones mere spirituales. Sanè Capitulare anni D C C L X X I X . decretum est ex sententia Episcoporum, Abbatum, & Comitum, cum consensu Regis: Congregatis in unum synodali Concilio Episcopis, Abbatibus, virisque illustribus. \* Comitiis, una cum piissimo Domino nostro, secundum Dei voluntatem pro causis opportunitis consenserunt. Post conditos canones, controversia particularium personarum agitantur, quas Princeps reservabat cognitio- ni conventus generalis, si forte Comes Pa- latinus eas ob aliquam causam noluerat de- finire.

**VII.** Docuit nos ergo Hincmarus ordinem observari solitum illa ætate in conven- tu generali Gallia ad discutiendas causas canonicas, earumque decisionem ab arbitrio Regis peperidisse, qui eam pro libito confirmabat aut retractabat. Idem agendi modus probari etiam potest exemplo valde illustri, quod inititur testimonio omnium Episcoporum Galliæ. Carolus magnus, ætate jam proœcta, cupiens integrè re- staurare politiam ecclesiasticam, jussit anno D C C X X I I . ut Episcopi Galliarum con- ventus ecclesiasticos agerent in quinque locis, id est, apud Arelatensem urbem, Mo- guntiacensem, Remensem, Turonensem, & Cabilonensem. At Episcopi, gratias agen- tes Carolo quod eos congregari jussisset, quosdam canones considerant postquam causas examinaverant summa cura & dilig- entia. Concilium enim Moguntinum docet eos viros qui in illa synodo aderant, in tres turmas fuisse divisos; quarum primam con- stituebant Episcopi querentes remedia ma- lorum in sacris Scripturis & canonibus; in

alia verò turma consedisse Abbates, regulam sancti Benedicti legentes, atque tractantes di- ligenter qualiter monachorum vitam in meliorem statum atque augmentum cum Dei gratia perdu- cere potuissent; in tertia demum, Comites, qui in eam curam sedulò incumbebant, ut leges mundanas sive seculares examinarent, & jus cuique suum tribuerent, vulgi justi- tias perquientes, omniūque advenientium causas diligenter examinantes, modis quibus po- terant justicias terminantes. Denique Concilia isthac, cùm intelligerent quæ sint regia au- toritatis partes, canones ecclesiasticos à se editos tradunt Principi, ut eos emendet, si ei ita viuum fuerit; si vero eos æquitate niti exi- stimaverit, confirmet. Obsequio autem illo defunguntur verbis conceptis, ad cal- cem canonum, velut Concilium Arelaten- se & Turonense; aut in præfatione, velut Moguntinum & Cabilonense. En verba Con- cilij Arelatensis: *Hac igitur sub brevitate, que emendatione digna perspexit, quā bre- vissimè adnotavimus, & Domino Imperatori prestanta decrevimus, poscentes ejus clementiam ut si quid hic minus est, ejus prudentia suppletatur; si quid secundum quā se ratio habet, ejus iudicio emendetur; si quid rationabiliter ta- xatum est, ejus adjutorio divina opitulante clem- entia perficiatur.* Præfatio autem Concilij Moguntini sic habet: *Quatenus ea quæ paucis perfrinximus capitulis à vestra auctoritate fir- mentur, si tamen vestra pietas ita dignum esse iudicaverit; & quidquid in eis emendatione dignum reperiatur, vestra magna imperialis di- gnisce jubeat emendare.* Postquam autem ca- nones illorum Conciliorum ad Carolum de- lati fuere, eos præsente se examinari jussit in conventu generali Aquitanensi; ubi eos confirmavit, ut vim legum obtinere possent. Ita enim docent annales Eginhardi: *Constitu- tionem quæ in singulis (id est, synodis) factæ sunt collatio coram Imperatore in illo conventu habita.*

**VIII.** Qui verò scire voluerit quanam cura negotia tractarentur illa ætate, legat canones Concilij Francofordiensis anno D C C X C I V . celebrati. Constatbat illud ex Episcopis omnium provinciarum quæ Caroli imperio parebant, ex Gallia nimurum, Germania, & Italia, eique præterea inter- erant Theophylactus & Stephanus Episcopi, Hadriani primi Papæ Legati. Itaque ei synodo interfuit legatio sedis apostolicæ. Convocatio tamen ejus facta est jussu Principis. Testis erit Eginhardus, cuius ea sunt verba ad annum D C C X C I V . *Concilium Episcopo- rum ex omnibus regni provinciis congregavit.* Quin & canon primus ejusdem Concilij id aperte profitetur: *Conjungentibus, Deo fa-*

Capitulare anni  
D C C L X X I X .  
21. cap. 11 rela-  
tum ap. Simond.  
8. lib. 1. Capit.  
cap. 11. 11.

\* Ver Comitatus  
declin. ver. cod.  
M S. Ecclesiæ Al-  
bini.

Hincmar. c. 32.

Episcopatus ad  
22. 8. 1. Concilia  
quæcumque jussu eius  
post mortem Eccle-  
siæ formæ conscrip-  
tionem Galliarum  
et Episcopatus cele-  
brata sunt,